



Broj: 01/1-1827 /25

Datum: 06.2025. godine

Na osnovu člana 8. Zakona o javnim nabavkama Bosne i Hercegovine („Službeni glasnik BiH” br. 39/14, 59/22 i 50/24), člana 4. stav (2) Pravilnika o postupku dodjele ugovora o uslugama iz Aneksa II. Zakona o javnim nabavkama Bosne i Hercegovine („Službeni glasnik BiH”, br. 2/23), Poziva za dostavu ponuda broj: 01/1-1384/25 od 14.05.2025. godine, dekan Univerziteta u Sarajevu-Šumarskog fakulteta, donosi:

**Odluku  
o izboru najpovoljnijeg ponuđača u postupku javne nabavke  
usluga iz Aneksa II.**

**Član 1.**

Najpovoljniji ponuđači za nabavku usluga iz Aneksa II –Obrazovni seminari, oznaka i naziv iz JRJN:80522000-9, sa ukupno procijenjenom vrijednosti nabavke bez PDV-a od 3.000,00 KM, tačka 5. stav 2. javnog poziva za dostavljanje ponuda za nabavku usluga: Obrazovni seminari odabrati će se na temelju dostavljenih ponuda. Ukoliko Ugovorni organ ne zaprimi ni jednu ponudu, a ponude su objavljene na internetskim stranicama iste će isprintati i priložiti u predmet nabavki kao ponuđači koji ispunjavaju uslove iz objavljenog javnog poziva i obavještenja o nabavci.

**Član 2.**

Ugovorni organ je odlučio da prilikom nabavke usluga iz Aneksa II. – Obrazovni seminar izabere više ponuđača za predmetnu uslugu, iz iste kategorije, za period za koji provodi postupak nabavke, zbog specifičnosti predmeta nabavke i posebnih uslova koji se trebaju zadovoljiti, a u skladu s članom 4. stav 2. Pravilnika o postupku dodjele ugovora o uslugama iz Aneksa II. Zakona o javnim nabavkama Bosne i Hercegovine („Službeni glasnik BiH”, br. 2/23).

**Član 3.**

- (1) S obzirom da se usluge Obrazovni seminar nabavljaju od više dobavljača u ovom postupku se neće zaključivati poseban ugovor, te će se račun za pružene usluge smatrati ugovorom, a sve u skladu sa članom 4. stav (3) Pravilnika o postupku dodjele ugovora o uslugama iz Aneksa II. Zakona o javnim nabavkama Bosne i Hercegovine („Službeni glasnik BiH”, br. 2/23).
- (2) Predmetna nabavka će se realizovati najviše do iznosa utvrđenog Planom nabavki za predmetne usluge, a u skladu sa pojedinačnim potrebama Ugovornog organa u trajanju do godinu dana od dana objavljivanja predmetne odluke ili do utroška procijenjene vrijednosti javne nabavke u iznosu od 3.000,00 KM.

**Član 4.**

Obavezuje se Ugovorni organ da objavljuje obavještenja o dodjeli ugovora na Portalu javnih nabavki u skladu sa članom 74. stav (2) Zakona o javnim nabavkama.

**Član 5.**

Ova odluka stupa na snagu danom objavljivanja, a ista će biti objavljena na web stranici Ugovornog organa, registru javnih nabavki KS.

## Obrazloženje:

### Pravni osnov:

- Član 8. Zakona o javnim nabavkama („Službeni glasnik BiH“ br. 39/14, 59/22 i 50/24) kojim je definisano da se na dodjelu ugovora koji za predmet javne nabavke ima usluge iz Aneksa II. primjenjuju odredbe Zakona o javnim nabavkama i to odredbe koje se odnose na opće principe, pripremu tehničke specifikacije, period na koji se zaključuje ugovor, pravnu zaštitu, objavu obavještenja o dodjeli ugovora i dobrovoljno ex ante obavještenje o transparentnosti, a da se postupak dodjele ugovora uređuje pravilnikom kojeg donosi Vijeće ministara BiH.

- Član 4. stav (2) Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“ broj 2/23) kojim je definisano da ukoliko ugovorni organ društvene i druge posebne usluge nabavlja od više dobavljača nije potrebno zaključivanje ugovora, te se račun za pruženu uslugu smatra ugovorom.

**Razlozi donošenja:** Planom nabavki za 2025. godinu predviđena je nabavka usluga Obrazovni seminari, JRJN 80522000-9, sa procijenjenom vrijednošću nabavke u iznosu od 3.000,00 KM.

U cilju realizacije planirane nabavke, Ugovorni organ je donio Odluku o pokretanju postupka javne nabavke usluga broj: 01/1-1298/25 od 08.05.2025. godine, te objavio javni poziv na Portalu javnih nabavki broj: 01/1-1384/25 od 14.05.2025. godine zajedno sa obavještenjem o nabavci broj: 29343-9-2-2-22-4/25 od 14.05.2024. godine.

S obzirom da Ugovorni organ ima potrebu za izborom više ponuđača za predmetnu uslugu a prema odredbom člana 4. stav 3. Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“ broj 2/23), Ugovorni organ je donio Odluku kao u dispozitivu.

### Pouka o pravnom lijeku:

Svaki zainteresirani i aktivno legitimisani ponuđač može izjaviti žalbu direktno ugovornom organu putem protokola ili putem pošte na način i u rokovima propisanim članom 101. stav (4) Zakona o javnim nabavkama.

Dostaviti:

- Komisiji
- Web stranica Šumarskog Fakulteta
- Služba računovodstva
- Evidencija JN
- a/a

Akt obradio

Akt kontrolisao i odobrio: prof.dr. Dženan Bećirović

Sekretar Univerziteta u Sarajevu - Šumarski fakultet, potvrđuje da je prijedlog Odluke u skladu sa zakonskim i podzakonskim propisima koji su na snazi, te da je Univerzitet u Sarajevu - Šumarski fakultet nadležan za donošenje iste shodno članu 71. Zakona o visokom obrazovanju („Službene novine Federacije BiH“ broj 36/22) i 115. Statuta Univerziteta u Sarajevu (broj: 01-14-35-1/23 od 26.07.2023. godine).

